



國家清史編纂委員會·文獻叢刊

清代稿鈔本

第三七冊



國家清史編纂委員會・文獻叢刊

清代稿鈔本

第三七冊

廣東省立中山圖書館
中山大學圖書館

編

廣東省出版集團
廣東人民出版社

第三十七冊目錄

韓齋稟 一

夢軒筆談 一二三

心遠論餘 三九七

浣雪山房詩鈔 五五一

舫樓詩草 五七五

韓齋稟

四卷

曲阜孔憲彝繡山撰

稿本

韓齋彙四卷目錄

曲阜孔憲彝繡山牋

順德辛耀文仿蘇編

卷一

脩衍聖宮府紀 恩碑代宗子作

重修送甲營關帝祠碑記

東昌郡賢八先生傳

河澤縣知縣孫君家傳代

譚慤園傳代李海帆先生作

彭朗峯傳大人命代作

節孝吳孺人傳

節孝沈媼傳

從叔母高孺人傳

龍烈婦傳

馬烈婦傳

繞竹山房詩集序

李海帆先生我邊詩草序

李海帆方伯詩集序

桂未谷晚學集序

戴侍御文集序

治經堂集續編序

鄭子斌詩序

葉潤臣沂漁集序

卷二

王秋垞詩序

學靜軒遺詩序代

清雪草堂詩集序

姜玉谿明府詩序

方仲敏女士詩序

曲阜詩鈔序

尺五莊餞春詩會序

對嶽樓詩集自序

漢栗巖中書舍人題名序

先正讀書訣序

孔氏大宗文譜序代宗子作

震海太平錄

六觀樓六種曲序

啓文書院課藝序

送李海帆先生擢任湖北方伯序

贈楊仲淵序

送王蔭之同年序

送王太素歸宿松序

送陳頌南侍御回籍團練序

送姚正甫徵君序

送邊袖石守歸德序

劉柱堂封翁暨劉母聶安人壽序

代作

東昌書院重祀八賢記

三愛堂記

寒宵稱藥圖記

臨榆遊記

學紡圖記

卷三

淮陰聽雨圖記

宰木啼烏圖記

載齋記

江漢歸舟圖記

與潘少白文書

與某上舍書

答董生從叔書

答王海門明府論喪服書

為東昌諸君代請奉祀郡賢啓

與姚春木文書

與泰安姜明府書

答泰安姜明府書

上家蘅浦叔祖書

東昌書院祀八賢文

代

東昌書院祀胡太守文

代

祭張石洲文

重一篇

祭潘文恭公文

顧亭林祠祔祭呂君王君文

祭舅氏東雅公暨舅母沈孺人文

七十三代衍聖公治山宗子行狀

繼室朱孺人事畧

永平縣知縣桂君朱公墓表

程孺人墓誌銘

女嫺墓碣

卷四

書節孝王貞女事

字從弟說

澹鞠軒詩題辭

黃樹齋師圖卷題名

書湯節母斷釵吟卷後

書明劉文成公授經圖像冊後

書林母吳太孺人課讀圖後

書草訣百韻歌石刻後

書杭州水師營副將李弼侯家傳後

書湯楚儒先生小像後

書摹隸圖後

書徐懿甫與王蔭之書後

書葛壯節公家書冊後

闕里孔氏詞鈔附錄貯雲詞跋

先恭愍公畫蘭跋

黃子幹舟車吟草跋

山左金石志跋代

陸容卿儀歐閣詩跋

張婉紉詩跋

張若綺文稿跋

錢叔美畫跋

琢硯齋圖跋

三家手札冊子跋

灌園印譜跋代

盛子履先生谿山卧遊錄跋

盛子履先生泉史跋

小南池訂交圖跋

聞雲閣印譜跋

跋虞世南書拓本後

周芝臺相國書冊跋

三葉留芳冊子跋

桂未谷大令戴花騎象圖跋二則

樂毅論跋

多寶塔碑跋

董文敏天馬賦跋

陳宗伯書跋

三世授經圖跋

林文忠公手札跋

仁玉山展墓圖跋

茗溪漁隱圖跋

畫蓮題跋

○脩衍聖公紀恩碑代字子作

宋寶元時我祖四十六代公始封衍聖公建府第於今曲阜縣舊城內明萬曆間移縣城衙廟改建衍聖公府於廟東是時監修者為茶陵李文正公工事詳密加宏整焉我

朝尊師重道叠荷

詔修林廟規模大備而府第雖敝未敢輒以上請者以名雖公署實私第也願歲久愈益敝以疏水之家不能自潤其屋我先公懼堂構之弗克承也且以我

朝御書之頒歷代典器之藏族人講習之所不亟修整

道光十九年 恩失墜焉於是書工部尚書何公得達于

朝

詔發帑興修山東巡撫託公檄兗沂曹道陳君兗州府知府岳君來核工費實給銀六萬六千四百餘兩令自行飭員監修我先公感荷

曠典遂鳩工庀材因舊為新不廢其制不浮于費工未竣我先公薨於位余也苦塊餘生罔知所措幸承吾母之教暨家老之贊助得以工作弗輟與大事並舉以道光二十三年 月落成既達于

朝諸任事者請余為記刻于石余竊惟我先公少膺爵

祿歷事三朝四十餘年叨荷

恩禮有逾常數而修宅之請特蒙

俞旨實為曠代所罕有此固仰見我

皇上優待聖裔之至意而我先公積誠上達有以邀

宏恩於無既者蓋非矢志恭慎夙契

主知弗克然也余幸襲餘蔭式續舊緒其敢忘此謹述

而記之若夫任事諸員始終勤慎者例得備載其責丈

牘者曰張協庸其司帑項者曰劉永振其督工料者曰

張協中程華皆我先公舊簡者也於是予書

詳於左

張協

此文似可名存。改葬移修何公曰石余體位仍原葬
為是未司舊簡二字不獲湊字數謹日宜刪經之

杜係乃前相不謹

今則應急會典稿

忠誠或尋常帝風

蓋已矣

朕代物封則考臣

今有

悔固帝自是古有

蔣帝亦其例

由嘉德

上內新宮殿致雨而

致字意焉經

重修送甲營闕杜公祠碑記

乙酉年作

送甲營者豐潤縣之南鄙也舊有闕杜公祠歷時已久

風雨剝蝕遂成頽宇焉鄭君文昭鄉之善士也為人懷

慨好施與以意氣與鄉里相磨厲時僭重君遊過是祠

慨然曰杜公與昭烈帝協力同心興復漢室血食百代

至與孔子並祠豈非記所謂有功德于民則祀之者與

奈之何任其頽廢也于是謀于董君欲因舊為新易頽

為壯營之人聞風而至富析其財宴致其力爰鳩工而

詔曰是役也眾善之萃也爾其刈乃荒穢肅乃坻鄂必

慎必堅毋嬉毋惰不數旬而厥功告成嗟乎世之修葺

頽宇者眾矣見夫宮觀耀日甍棟連雲影碧之輝丹漆

之飾震煥心目意者非有奇節偉行功在生民而德施

後世者未宜饗此禮祀之隆也及入視之則釋迦耳否

亦老氏之流耳夫釋老淪三綱殄四端倡其說以蠱惑

人心天下受其愚者幾二千餘年矣攻之者愈力信之

者愈深以視壯營之精忠偉烈雖與日月爭光可也豈

釋老所能臨其功襲其迹耶然則世之繕修寺觀以為

功德者聞二君之風亦可以知返矣夫壯營去今雖遠

然其行已立身與夫豐功駿烈載在典冊傳于閭巷使

營之人觀而效焉一人行修及于一家一家行修及于

比閭族黨則豐潤之風俗易而教化行未始非鄭董二

君重修是祠之功也非僅以杜祈福之心而明敬神之

義且能助縣令成美俗勵人材也遂濡翰以記

茲墨守之弗免涕

此不必存

附錄

○東昌郡賢八先生傳

東昌郡城舊有三賢祠祀穆文簡公王文定公孟清獻公太守岳和聲復增祀王恭介公張宏山趙素衷遂與權諸先生為七賢祠有七賢書院後又增祀鄧東長先生為八賢歲久祠圯道光癸卯余主講啟文書院郡人介余請于太守朱君錦琮復祀于今書院既為記于石并次其事為八先生傳

穆先生諱孔暉字伯潛號立庵堂邑人明宏治十八年進士授翰林院檢討忤劉瑾調南京禮部主事瑾誅還舊職遷南京國子監司業充經筵講官嘉靖庚寅奉先

韓齋刀集

聖先師神位於文華殿諭諸臣進講先生取孟子卒篇發見知見聞之奧既而獻言指切時弊權相銜之明年以陰雨誤講自劾改南京尚寶司卿給事中上言穆孔暉聖代醇儒宜留左右不報尋以南京太常寺卿致仕先生資稟深純潛心理學平生無疾言厲行事變猝至神氣怡然人以程伯子擬之在官時與修孝廟武廟實錄撰文臣誥敕皆為司言者所宗法著讀易錄尚書困學前漢通諸史通編游藝集大學千慮元庵晚稿若干卷卒年六十一贈禮部右侍郎謚文簡子祭葵入祀鄉賢祠

王先生諱道字純甫武城人正德辛未進士選庶吉士方獻夫薦其學行擢左諭德歷國子監祭酒吏部右侍郎其學由博返約不欲標列門戶著易書詩大學億持論多前儒所未及在國子監端軌申約六館諸生翕然向風人比之宋仲敏歿贈禮部尚書謚文定

張先生諱後覺字志仁號宏山莊平人生有異稟早歲聞良知之說於教諭顏鋌以歲貢生授華陰縣訓導會地大震上官檄署縣事救災扶傷士民感服致仕歸提學副使鄒善為建願學書院使六郡士師事之東昌郡守羅汝芳亦為建泰山書院凡吏於其土及道經莊平

韓齋不集

者莫不造廬問業廬李士達兩至山居先生病不能為禮促席劇談飽蔬食而去平生力行不事著述遠近學者稱之為宏山先生以萬歷六年卒年七十六孟先生諱秋字子成號我疆莊平人幼時受詩至桑中諸篇輒棄去不卒讀與同邑趙維新師宏山先生稱高第隆慶五年成進士知昌黎縣有善政遷大理寺評事去之日百姓截道請留至泣下以職方員外郎督視山海關政久弛奸人出入自擅先生嚴禁之中流言坐貶歸途與妻孥共駕一牛車道旁觀者咸嘆息許乎遠嘗過其家見茆屋數椽書卷狼籍其中嘆曰孟我疆風

味大江以南未有也後起刑部主事歷尚寶司少卿卒
天啟初賜諡清獻

趙先生諱維新字素衷荏平人年二十師事張宏山次
其問答語為宏山教言性至孝居喪五味不入口哀毀
骨立杖而後起鄉人欲舉其孝行力辭之喪偶五十年
不再娶嘗築垣得金一篋工人持之去不問然家貧嘗
併日而食為太守李瀛陽延之講學從遊益眾一時咸
稱素衷先生以歲貢官長山訓導年九十二無疾而終
遂先生諱中立字與權聊城人萬歷十七年進士由行
人擢吏科給事中遇事敢言時罷趙用賢官爭之者甚

韓齋初集

象皆被斥先生上言陛下欲安輔臣罷言者不知言者
罷輔臣益不自安忤旨停俸一歲尋遷兵科給事中詔
修國史王錫爵舉故詹事劉虞夔為總裁虞夔錫爵門
生也以劾罷諸御史皆言不當召先生言益力兼及錫
爵事遂寢文選郎顧憲成等以會推閣臣事被斥給事
中盧明諷救之亦貶秩乃上言曰兩年以來銓臣相繼
屏斥文選空曹臣恐臧否混淆舉錯倒置使黜陟重典
寄之權臣且會推閣臣始于皇祖二十八年蓋特簡與
廷推並行已久今輔臣不問故典妄激聖怒朝議紛紜
若爾豈得不長太息哉帝怒嚴旨責讓貶陝西按察司

知事引疾歸掌銓者屢疏起用皆不報時與顧憲成高
攀龍鄒元標馮從吾講學于東林書院及門任化民梁
廷樞耿如杞白樞皆得其宗旨家居二十餘年安貧樂
道尤邃于易郡守岳和聲為刺讀易劄記易箴時援筆
書曰生而不能顯揚是負吾親也仕而不能樹立是負
吾君也昂：七尺之軀而甘為碌：之庸夫是負吾身
也三十而學道五十四而無聞是為天地間之罔人也
已矣遂瞑門坐皆緣經治喪私謚曰直方光宗即位贈
光祿寺少卿

韓齋初集

王先生諱汝訓字師古號浚陽幼聞人言志在溫飽輒
奮筆書立朝行已大筆千餘言後得理學微旨于穆文
簡公登隆慶五年進士除元城令萬歷初入為刑部主
事改兵部盡散其先世貲產于族黨僅留薄田自給盜
入室先生授管鑰令自取僅敝袍費錢脫粟而已盜
嘆息叩頭去遷光祿寺少卿以劾給事中陳興郊調南
京尋入為太常寺少卿孟秋饗廟帝不親行趙疏極諫
帝直其言不罪也尋進太僕調光祿先是寺中歲費二
十萬至是溫增四萬有奇先生據會典請盡裁內府冗
食不許巡撫浙江治事方嚴力鋤豪右時故尚書董份
祭酒范應期里居不法將絕之適巡按御史彭應參行

部至應參怨家千人遮道陳牒應參持之急應期自縊
死其妻吳詣闕愬寃應參詔獄褫先生職家居十五
年起南京刑部侍郎改工部初礦稅興以助大工為名
後悉輸內帑不以供營繕而四方採木多至千萬費益
不貲先生屢請發帑佐工不報在部力清夙弊中官請
乞輒執奏不予節冗費無算卒贈工部尚書謚恭介著
有東昌府志二十卷疏草二卷文集詩集若干卷

鄧先生諱鍾岳字東長號悔庵廬聊城人康熙六十年登
一甲第一名進士入翰林三典江南鄉試督學江浙諸
省訓飭皆有法士林頌之任太常卿考定樂章奏請下

韓肅初稟

府州縣學校禮樂節奏當一依太常法又以周易當依
十二篇古本出題不得經傳合并又論政治之要在正
風俗上並嘉納之乾隆十三年扈從東巡請增祀
復聖顏子分獻樂章是年以疾致仕先生端厚穎敏於
書無所不讀而尤邃于易禮潛心新安之學嘗曰學孔
而不由于朱子猶舍車登陸也服官方正不為苟同所
薦如梅穀成雷鉉皆當世正人父病惡聞烟草氣遂終
身不忍御教人以羞惡為本而以干謁標榜骨肉細故
為可恥卒年七十四著有知非錄一卷寒香閣詩文集
八卷

論曰七子講學相授皆宗姚江獨鄧宗伯以新安為歸
似不同矣然觀其出處志以正己正物為懷所以達其
道者其揆一也古者鄉先生歿而祭于社況乎教被四
方道傳後世馨香俎豆有自來矣

論中如語開合多似左袒姚江恐失平允尚乞酌定之
為是

法君科生士為未安以用傳習故也題以常約中數語

韓肅初稟

○荷澤縣知縣孫君家傳代

君諱觀字賓上東雅其號也世為浙之錢唐人曾祖鍊贈資政大夫通政使司通政使祖瀾贈奉政大夫父同琨江南淮安府桃北河務同知君五歲失母逮二十而遭桃北公喪哭泣之哀至于咯血既罹孤露奉繼母汪宜人居平湖兄弟相守以孝友稱嘉慶十八年舉于鄉數應禮部試不第以道光六年大挑試吏於山魃補觀城令調知荷澤歷署棲霞招遠長清濟陽諸縣皆有聲長清衝繁號為難治君聰斷不遑食歲旱且饑親撫民於四境賑以倉穀民安堵異於他邑濟陽士習樸儉民

於字賓

回難處君為設書院敦教化而舉于鄉者接踵焉方治漕民間納米不足請購于他縣可贏萬餘緡君曰錢出境不可復來吾不忍苦吾民也吏再三白君卒不聽吏為之感泣邑賢張爾岐萬庵集板存縣庫君為補修殘缺印行而不留名于後或問之曰表章儒先令所當為何以名為其任觀城也安其簡易獄幾無人邑舊無志手自纂輯出俸錢刊之咸推善本時畿輔患蝗邑界清豐蝗過而不食偶食數畝而苗復生且雙歧焉君愈勤撲捕令購蝻子甚亟明年無萌蘖之患治觀三年將之荷澤士民遮留數十里不絕有斑白者攜笠隨輿至曹

所著為荷澤易分
白壽錄
易字賓
一氏字賓

問其故曰不忍去此好官也父老後常至曹求見其歷久不忘如此荷澤為曹郡首邑積案數百君息心研鞠邑界三省多盜君至皆歛迹有繫馬于野者一人將牽之有叱之者曰此荷澤境也其人歛手去郡守過聞之歸語君曰子之政行矣願子之常任斯土也嘗禱雨皆有應會省垣旱大府檄實心任事者一人監壇禱之咸推君遂得大雨性慈不尚刑幕中多與之爭君曰官當令民服不當令民畏若刑有誤何以對吾民耶故治數縣皆無積案十餘年不輕戮一人人亦無上控者然君以勤於治積勞致病而未知也以道光二十四年八月

十九日卒于官年六十卒之日猶理事于堂及退食遂弗起日夕端坐而逝君精敏詳慎不驕居官之日專求吏治率以呂新吾為法少通諸執事絕口不復談間嘗為人書扇有吏白事君亟輟筆曰不可以私廢公也性嚴取與不名一錢而親族交友間罔不濟其急故身歿之日囊無餘財配金孺人早卒繼配沈孺人助君以賢孝稱先君四月卒子三人嗣培瑒念培邑庠生候選訓導序培東河候補縣丞孫五人衛原夏原曹原鍾原綸原女孫二人論曰近日山左多循吏若汀漳龍道徐君宗幹登萊青

道王君鎮蘇州府知府舒君化民皆由縣令膺薦擢其
政治至今人猶稱誦獨君為余癸酉同諧聞其初至山
左協理滕縣日斷滯獄數十長官奇其才後所位皆有
善政方冀繼諸君而起以盡其所學而遽聞君之死也
嗚乎世不乏通才而莫得用既用矣而莫竟所施天之
所以生斯才者其意固未可盡知也

余嘗欲為舅氏荷澤公作行狀未敢率爾下筆遠味
采山侍御屬代撰傳遂成此文而行狀久未就姑存
此稟以俟異日自記

暮寫皆有弄色漢人色飛眉弄字妙故如中書漢

○譚慈園傳 代李海帆先生作。

譚君慈園者清泉人名文詠字超音慈園其自號也先
世居泰和徙茶陵明末遷清泉曾祖某祖某父某以武
功世其家獨慈園生而好學以誠敬自守雖盛暑不解
衣閨門之內凜如也然奉侍多婉容得二人歡與伯兄
又黃篤友愛一日之縣城忽心動異曰豈吾親有疾病
與亟趨歸果父陡病且劇尚及聽遺命也既與兄析居
兄苦食指繁遂割田宅之半以奉其教子弟以禮法修
宗祠睦族人鄉黨咸敬服之乾隆間清泉饑君出粟五
百石賑之者再境以內多賴以存活焉邑佛寺有隙

○李不淳別撰易

○李不淳別撰易

○李不淳別撰易

地濱于河李氏子葵母寺側侵其基焉邑人譁然
欲共掘之李懼求君一言為懼君初辭也適以事出
為李所要君不得已為之渡河至則執畚鍤者幾二千
人見君皆稍稍散去君復立高阜招諭之墓得以無恙
祁陽婦為怪所祟君過其門婦唱曰譚先生來奈何其
家出視果君也彊而入君躬為之三日怪竟絕又
值大疫城市恍惚白晝見大厲吐碧烟薰人病者比戶
衡水道徐公患之聞君斥怪事具書邀君君笑曰事偶
然耳某豈效鄉人之楊耶徐邀君益巫君至則徐公書
君名榜衢巷殆徧病者多瘳徐公以詩贈君且欲君至

公署君堅辭歸終身不復至君雖好學能通經義然不習帖括故不得仕進以孫鵬霄貴贈太林郎乾隆三十年卒年十生三子諸生武卿武桓孫十人熊沅嘉慶庚申舉人沅江教諭鵬霄嘉慶戊辰進士邵武知縣餘皆諸生

論曰余生也晚不及見君之神采獨得識君孫石鼓書院道光十八年鵬霄寓書乞叙君遺事遂次其傳曰嗟乎士生于里苟得一善焉則揚揚有求焉者操臂而從惟恐或後況乎入則重于里黨出則傾乎郡邑書詞一至有不告妻子而行者矣乃君則抑抑自下遜謝弗

向

違成功而不居焉其趣量何如也魯仲連曰排患釋難解紛亂而無所取焉君其有焉若夫正直風者宜為鬼物所辟易斯又豈理之所必無者哉

何原古

叙事行徐名政妙不聚凡循公數暢中裁

和應律字

彭朗峯傳 夫人命代作。

余次姑歸長洲彭公守約為繼室生二子其季曰朗峯生而有至性伯仲既出仕遂任家事暨遭親喪伯仲相繼逝世諸孤姪以下皆賴撫養焉彭氏故為吳中望族科第世繼朗峯獨以附貢終其身然不以櫻其懷里居讀書克守先業守約公以理學者輯宋以來儒者之居曰退齋日錄若干卷君謹刊之復摹公手書為得密齋帖五卷海內皆推重之君謹厚有先人風讀史至忠義事必手記之至數十卷喜鑒別古蹟撰畫史彙傳六十卷極其詳簡生平為人刻名書甚多皆悉心校勘守約

公為彭氏宗子君既撫孤孫凡祭祀慶吊必盡心攝事焉家既中落而好施無吝色然常苦匱乏鬱不得志以道光二十年九月六日卒年六十一君諱蘊燦字振采別號朗峯曾祖諱啟豐兵部尚書祖諱紹謙桃源同知父諱希韓舉人議叙知縣娶宋孺人先君歿無子以仲兄子廷榮為嗣余官江南與君常相見君為余校刻文彙情意肫然然去未數年而遽聞其訃中表兄弟死亡殆盡余之感傷何如也爰述而為君傳

論曰吳俗夸靡士人競名譽尤多浮薄君克守家法有長者之風方要為鄉里表率而猝以不得意死其可悲

嘉慶己

悲也矣

編者錄

◎節孝吳孺人傳

吳孺人者吳江沈君朝棟字森喬妻也先世自徽州遷吳遂為吳江人父諱廷標母氏沈年十五歸沈君時姑宗太孺人病方劇孺人甫贊見即適姑所敬奉湯藥如事父母姑歿森喬以哀毀致瘵疾越歲亦歿孺人既勞于家事復罹此毒悲痛絕食者數日父母親族並慰解之責以立孤存夫祀始復食森喬同母弟朝椿年十二孺人使之就塾讀十九授室生子烜宇琛孺人喜告于廟觴族人而立為森喬後琛孺人既長孺人以世居僻陋無名師遂徙盛澤鎮立家塾招孤寒子弟為共學計

琛孺人守節事于有得

旌于朝復欲稱觴為孺人壽孺人口我豈博節孝名況世俗慶賀耶因述往事淚涔涔下琛孺人遂不敢舉其事孺人嫠居六十年終身惟齷齪飽未嘗飲酒食肉纖維之事夜以繼日治家必以禮無故足未嘗出庭戶親族有宴會弗與雖至戚不甚接見不信二氏女尼道士皆不使入門道光八年琛孺人以疾歿孺人年六十六矣自傷惇獨疾發輒不肯服藥諸孫苦諫不從遂嬰脾厥之疾不食累月以十七年十月二十二日卒年七十五卒之夕命男子無侍側為飲食以搞僕媼其爽然不亂固